

佛學大辭典

丁福保

佛學大辭典

丁福保

卷上 (1-1000)

佛學大辭典

無錫丁福保仲祐編纂

一畫

【一】（雜語）猶言逐一也。首楞嚴經曰：「現一一形，顯一一咒。」觀無量壽經曰：

「一一指端有八萬四千畫，猶如印文，一一畫有八萬四千色。一一色有八萬四千光。其尤柔順，普照一切。」梵網經開題曰：「一一字字，一一句句。皆是諸尊法曼陀羅身。」觀智軌曰：「即以陀羅尼文字，右旋布列，心月輪面上觀。一一字皆如金色。一字中流出光明，遍照無量無邊世界。」

【一人作處】（雜語）公案名。一人吐虛言，則萬人相傳爲實也。空谷集云：「有僧

問興化存獎，多子塔前，共談何事。化云：一人作虛，萬人傳實。」謂佛祖之大道，爲言句思量所可及，一涉文字葛藤，則忽失真也。

【一人當千】（雜語）以一人之力當千人。涅槃經二曰：「譬如人王有大力士，其力當千，更無有能降伏之者。故稱此人一人當千。」

【一刀三禮】（雜語）彫刻佛像，每下一刀，須禮拜三寶三次。畫像經文，謂之一筆三禮。又曰：一字三禮。

【一大宅】（譬喻）以長者之一大宅，譬三界之火宅。法華經譬喻品曰：「譬如長者有一大宅。」見火宅條。

【一大劫】（術語）一個之大劫也。見大劫條。

【一大車】（譬喻）以一大車譬法華之妙法。又云大白牛車。法華經譬喻品曰：「是時長者見諸子等安穩得出，皆於四衢道中露地而坐，無復障礙。其心泰然，歡喜踊躍。時諸子等各白父言：父先所許玩好之具，羊車鹿車牛車，願時賜與。舍利弗，爾時長者各賜諸子等一大車。」見火宅條下火宅喻。

【一大事】（術語）開顯實相妙理之事業。開示佛知見之事業也。一大者，實相之妙理，謂佛知見，即法華之妙法也。法華經方便品曰：「諸佛世尊，唯以一大事因緣故，出

現於世。」文句四上曰、「一則一實相也。非五非三。非七非九。故言一也。其性廣博。博五三七九。故名爲大。諸佛出世之儀式。故名爲事。」止觀一下曰、「云何爲一。一實不虛故。一道清淨故。一切無礙人。一道出生死故。云何爲大。其性廣博。多所含容。乃至事者十方三世佛之儀式。以此自成佛道。以此化度衆生。故名爲事。」玄贊三曰、「大事體即智見。諸佛出世。爲此大事。四義明之。謂開示悟入。」又人之生死。謂爲大事。善導之臨終正念訣曰、「世之大事。莫越生死。一息不來。乃屬後生。一念若錯。使墮輪迴。」

【一大事因緣】（術語）爲一大事之因緣。文句四上曰、「衆生有此機。感佛名因。佛乘機而應。故名爲緣。是爲出世本意。」

【一大三千世界】（術語）一世界之中央。有須彌山。此四方之大海中有四大洲。此大海之外。以鐵圍山圍繞之。如是謂之一

小世界。合一千一小世界。謂之小千世界。合一千小千世界。謂之中千世界。合一千中千世界。謂之大千世界。夫以一小世界爲單位數。則一大千世界之數爲一〇〇〇〇〇〇〇〇〇也。其成立及破壞。無不相同。又爲一佛所領之士。俱舍論十一曰、「千四大洲。乃至梵世。如是總說。爲一小千。千倍小千。名一中千界。千中千界。總名一大千。如是大千。同成同壞。」一大千世界中含有小千中千大千三種之千。故一大三千世界。謂之三千大千世界。

【一三昧】（術語）一行三昧之略。惟專心思一事。不顧其他也。

【一千二百功德】（名數）六根清淨之功德也。法華經法師功德品曰、「若善男子。善女人。受持是法華經。若讀若誦。若解說。若書寫。是人當得八百眼功德。千二百耳功德。八百鼻功德。千二百舌功德。八百身功德。

千二百意功德。以是功德。莊嚴六根。皆令清淨。」

【一山】（雜名）以寺院多在山中。故一寺亦名一山。但一山之名廣。而一寺之稱狹。又（人名）僧一寧。字一山。見一寧條。

【一弓】（雜語）尺度之量。言如弓之長也。鶴林玉露九曰、「荆公詩云。臥占寬闊五百弓。蓋佛家以四肘爲弓。肘一尺八寸。四肘蓋七尺二寸。其說出譯梵。」俱舍論十二曰、「二十四指。橫布爲肘。豎積四肘爲弓。」頌疏六曰、「一肘有一尺八寸。一弓有七尺二寸。」梵 Dhara

【一小劫】（術語）一增或一減之間。曰一小劫。是新譯家之說。合一增一減曰一小劫。是舊譯家之說。法華經化城喻品曰、「諸佛法不現在前。如是一小劫乃至十小劫。」又詳劫條。

【一丈六像】（圖像）一丈六尺之佛

像、化身之形。觀無量壽經曰、「一丈六像在海水上」又詳本六條下。

【一父鳩王】（人名） *Ikavaku* 譯曰

甘蔗氏。慧琳音義二十六曰、「又名曰種善生、釋迦種族之祖先也。在印度河流域之陀落（寢多那 *Patala*）城。

【一切】（術語）該羅事物之稱。玄應

音義曰、「說文云、一切、普也。普即遍具之義。故切宜從十。說文十謂數之具。從七者俗也。

史記曰、「臣觀諸侯王邸第百餘。皆高祖

一切功臣。」同索隱曰、「此一切猶一例。同

時也。非如他一切。訓權時也。」勝鬘經寶窟

中末曰、「一切止是該羅之名。」法苑珠林

二十八曰、「一以普及為言。切以盡際為語。」

無量壽經疏上曰、「舉一名餘。故云一

切。」智度論三十曰、「一切有二。一名字一切。

一實一切。」

【一切無障礙】（雜語）言通達一切

而無不及也。法華經神力品曰、「能持此經者。於諸法之義。名字及言辭。樂說無窮盡。如風於空中。一切無障礙。」

【一切一心識】（術語）梵名乾栗陀

耶。十識之一。見識條。

【一切法】（術語）又名一切萬法、一

切諸法。為總該萬有之稱。智度論二曰、「一切法。畧說有三種。一者有為法。二者無為法。三者不可說法。此三已攝一切法。」梵 *Samvatta*

【一切法高王經】（經名）佛說一切

法高王經。元魏瞿曇般若流支譯。一卷。

【一切法義王經】（經名）一切高王

經之異名。

【一切智】（術語）佛智之名。三智之

一。知了一切之法。此一切智對於一切種智、有總別二義。若依總義、則總名佛智、與一切種智同。若依別義、則一切種智為觀差別界

事相之智。一切智為視平等界空性之智也。先示總義、則法華經譬喻品曰、「勤修精進。求一切智。佛智、自然智、無師智。」同化城喻品曰、「為佛一切智。當發大精進。」仁王經下曰、「滿足無漏界。常解脫身。寂滅不思議。名為一切智。」中論疏九末曰、「知一切法。名一切智。」華嚴經大疏十六下曰、「智度論云、如兩大海亦大。還以無盡之智。知無盡法。是故如來名一切智。」次示別義、則為知一切平等空理之智。嘉祥之法華經義疏二曰、「般若三慧品云、知一切法一相。故名一切智。又云知種種相。故名一切種智。」同六曰、「一切智者。謂空智也。」智度論二十七曰、「論一切種智之差別。有人言無差別。或時言一切智。或時言一切種智。有人言總相是一切。別相是一切種智。因是一切智。果是一切種智。略說一切智。廣說一切種智。一切智總破一切法中無明闇。一切種智觀種種

法門破諸無明。大乘義章十曰：「舉六種之差別。又以名聲聞緣覺之智。」智度論二十七曰：「後品中佛說一切智。是聲聞辟支佛事。道智是菩薩事。一切種智是佛事。聲聞辟支佛但有總一切智。無有一切種智。」

【一切智者】（術語）謂具足一切智者。是佛之異稱。法華經藥草喻品曰：「我是一切智者。一切見者。智度者。開道者。說道者。」梵 *Balvājña*

【一切智藏】（術語）知一切者之意。佛之尊稱。善生經曰：「如來卽是一切智藏。」

【一切智人】（術語）同前條。智度論二曰：「問曰：有一切智人。何等人是。答曰：是第一大人。三界尊。名曰佛。」

【一切智智】（術語）三智中之一切智。混聲聞緣覺之智。故爲分別彼一切智。而名佛智爲一切智智。大日經疏一曰：「梵云薩婆若那。Sarvajñāna 卽是一切智。今謂一

切智智。卽是智中之智也。」又「一切智智。如實了知。名爲一切智者。」又謂一切智智。譬如虛空界。離一切分別。又如大地。爲一切衆生所依。又如火界。燒一切無智之薪。又如風界。除片一切諸煩惱之塵。又如水界。一切衆生依之歡樂。又謂此智。菩提心爲因。大悲爲根。方便爲究竟。菩提心爲因者。謂行者如實知自心也。大悲爲根者。謂行者發悲願。拔衆生之苦。與以樂也。方便爲究竟者。爲一切智智之果。卽以利他之行而名之也。仁王經中曰：「自性清淨。名本覺性。卽是諸佛一切智智。」

【一切智心】（術語）求一切智之心也。日本源信之往生要集中末曰：「一切智心者。是第一義。空相應心。或可是願求佛種智心。」

【一切智地】（術語）證得一切智之位。卽佛果位也。法華經藥草喻品曰：「其所

說法。皆悉至於一切智地。」

【一切智船】（譬喻）乘人而運於一切智地岸之船。卽佛也。教行信證文類二曰：「能流入願海。乘一切智船。」

【一切智相】（術語）梵語薩婆若多。Sarvajñasā 一切智之相貌。智度論二十七曰：「薩婆乘言一切。若多乘言相。」

【說一切智】（雜語）無量壽經四十八願中。第二十五願爲說一切智願。經上曰：「設我得佛。國中菩薩不能演說一切智者。不取正覺。」願之意。謂欲往生我國土者。宜悉隨順佛智。而演說一切智之妙境界也。

【一切智忍】（術語）六忍之一。見忍條。

【一切智無所畏】（術語）四無畏之一。見四無畏條。

【一切智光明仙人慈心因緣不食肉經】（經名）佛說一切智光明仙人慈心因

緣不食肉經。失譯。一卷。

【一切智經】（經名）佛爲波斯匿王、分別一切智之事、四姓之勝劣等者。攝於中阿含經五十九。

【一切經】（術語）佛教聖典之總名。或曰大藏經。省曰藏經。隋書開皇元年、京師及諸大都邑之處、並官寫一切經、置於寺內。而又別寫藏於秘閣。一切經之名、本乎此。此名原稱佛所說之經律等、而今則併吾國印度日本等高僧之著作而稱之。佛教傳播於世界各國之間、其聖典爲各種之國語所翻譯、舉其主要者、則原本爲散斯克利圖（Sanskrit）及巴利（Pali）語、翻譯而傳者、有漢譯藏、西藏藏、蒙古藏、滿洲藏（詳清字經館條）及歐譯之諸典。散斯克利圖語之原本、自北方尼波羅地方、漸次爲學者所發見、然其數未甚多。巴利語之原本、爲巴利三藏、即錫蘭暹羅緬甸等南方諸國所現傳者。其中暹羅之

官版藏經、以西紀一八八八年出版、世界各國之大學或學會、均得寄贈。巴利三藏中、律藏 Vinaya-Pitakam 爲波羅提木叉 Pratimokkha 註釋之悉答普備般伽 Butta-vibhanga 卷陀 Khandhaka 波利婆羅 Parivara 三部經藏 Butta-Pitakam 爲長阿含 Digha-nikāya 中阿含 Majjhima-nikāya 雜阿含 Samyutta-nikāya 增一阿含 Anguttara-nikāya 小阿含 Khuddak-nikāya 之五部、論藏 Abhidhamma-Piṭaka 爲法僧伽 Dhamma-Saṅgahi 以下總有七論。西藏藏爲喇嘛教徒之所護持、屬於經部者、總計八類、百五十一部、三百五十冊、更有續藏二百二十三冊、其經部爲清康熙二十三年所刊行、其續藏則爲雍正六年所鑄刻者。蒙古藏及滿洲藏爲奉天所保存、其中滿洲藏經、世界唯有一部、日俄之戰、爲日本所得。此外各國語之藏經、雖尚有數種、

而其中卷帙最浩繁、部義皆完備者、實維漢譯藏。案漢譯藏經印行之最古者、則以宋太祖開寶五年、平定列國、造金銀字佛經、前後凡數藏。同年敕印雕佛經一藏、凡一十三萬版、爲其嚆矢。尋而至道元年、高麗王治遣使至宋求官本、與其國從來所藏之前後二藏及契丹藏、參訂校讐、經十四年、全行刻成。世所謂高麗藏者是也。凡一千五百二十一部、六千五百八十九卷。南宋理宗嘉熙三年、復開版藏經、有一千四百二十一部五千九百十六卷、所謂宋藏者是也。（詳宋藏條）元世祖至元十四年、亦翻刻藏經、至二十七年告竣、有一千四百二十二部、六千一百七十七卷、稱爲元藏者是也。（詳元藏條）此藏羅元末之兵燹、與宋藏共歸灰燼、惟流傳於日本者尚存。有尼法珍者（詳法珍條）慨然起興藏之志、經三十年、漸奏其功、是爲方冊藏經之嚆。明成祖永樂十八年、勅印刻大藏經版、至

正統五年、始告竣、是爲北藏。藏於北京。其南藏者、爲太祖洪武時所刻。成祖又勅安置石刻一藏於大石洞。然流通未遍、學者多感不便。後神宗時、密藏禪師亦發願刻方冊藏本。萬曆十七年、於五台山創刻、業未竣而入寂。後人迭繼其業、遂三成之。是謂明藏。有六千七百七十一卷。清藏則於雍正十三年開工。乾隆三年告竣。又有京西石經山之石刻藏經。則晉魏公法師刻石貯封石洞者也。日本現存古寫本不少。而最著者、爲堀川天皇勅僧侶一萬人、於一日寫一切經。順德天皇勅一萬五千僧、於一日寫一切經等。德川氏使天海僧正、刻活字排印大藏、其活字及藏經今尚在。有六千三百廿三卷。尋而黃檗之鐵眼和尚、又將明藏上梓。明治十三年、弘教書院以麗藏爲本、與宋元明三本對校、印行活字板大藏經、計一千九百十六部、八千五百三十四卷、縮成四十帙、四百十八冊。明治三十

十三年、藏經書院、又以活字印行日本大藏經。藏教書院復纂輯藏經所漏者、題爲日本續藏經、共七千八百七十三卷。清季上海頻伽精舍、根據弘教本、略加增減、以活字印行大藏經四十帙、四百十四冊、一千九百十六部、八千四百十六卷。較近英法德俄諸國語之譯本、漸見於世、將來更有西文一切經、未可知也。

【一切經供養】（行事）書寫一切經而供養之之法事。一切經爲法寶故、以爲三寶之一而供養之。

【一切經音義】（書名）唐玄應撰、二十五卷。詳玄應音義條。又唐慧琳撰、百卷。此書採集玄應音義、慧苑音義等而成。中土亡佚已久。日本有單行本。又收入續藏中。近收入頻伽精舍大藏經中。詳慧琳音義條。

【續一切經音義】（書名）唐希麟撰、十卷。此書中土亡佚已久。日本有單行本。又

收入續藏中。近收入頻伽精舍大藏經中。詳希麟音義條。

【一切經中彌陀偈】（經名）即後出阿彌陀佛偈也。見後出阿彌陀佛偈條。

【一切處】（術語）又名徧處。禪定之名。以所觀之境周徧於一切處也。有十種。名十一切處。又云十徧處。見法界次第下、三藏法數三十八。

【一切如來】（術語）種種之如來也。

【一切如來寶】（佛名）胎藏界曼陀羅第六釋迦院中之一尊也。左手持蓮花、上有如意寶珠。詳日本秘藏記、曼陀羅大鈔。

【一切如來智印】（印相）胎藏界之曼陀羅、第二遍知院中之三昧耶形也。在蓮華上作三角形者。

【一切世間】（術語）總稱穢土之語。阿彌陀經曰、「一切世間、天人阿修羅等。」

【一切世間難信之法】（雜語）此言

甚深微妙之法、爲一切世間衆生之難信受者。法華經序品曰、「咸得聞知一切世間難信之法。」阿彌陀經曰、「爲諸衆生、說是一切世間難信之法。」

【一切有爲】（術語）謂有作爲有造作之一切因緣所生者。

【一切有部】（流派）具名說一切有部。梵名薩婆多。小乘宗之名。二十部之一。見說一切有部條。

【一切有情】（術語）與一切衆生同。舊譯爲衆生。新譯爲有情。大般若經五百七十八曰、「一切有情如來藏。」

【一切皆成】（術語）謂一切衆生、皆悉成佛也。對於五性各別而言。蓋三乘家有無性有情之一類、爲定性二乘不成佛之說、立無餘界永滅之計。而一乘家則唱悉有佛性之義、明二乘開會之旨、爲無餘界迴心之說。故謂一切衆生無不成佛者。今舉三五經

說證之。法華經方便品曰、「聲聞若菩薩、聞我所說法、乃至於一偈、皆成佛無疑。」又「若有聞法者、無一不成佛。」涅槃經十曰、「一切菩薩聲聞緣覺、於未來世皆當歸大般涅槃。」譬如衆流歸大海。又第三十六曰、「一切衆生、悉有佛性。一闍提人、雖謗方等經、作五逆罪、犯四重禁、然必當成菩提道。須陀洹人、斯陀含人、阿那含人、阿羅漢人、辟支佛等、必當得成阿耨菩提。」又第十一說五種人成佛中、明須陀洹果人過未來八萬劫成菩提、斯陀含果人過未來六萬劫、阿那含果人過未來四萬劫、阿羅漢果人過未來二萬劫、辟支佛道人過未來十千劫、成阿耨菩提之旨。大雲經第四曰、「一切衆生悉有佛性、得菩提心。」入楞伽經第二曰、「說三乘者、爲使發起修行地故、雖說諸性差別、然非究竟地、聲聞緣覺、畢竟得如來身。」中陰經上曰、「於無餘泥洹界、發金剛心、一一成佛。」密嚴經

中曰、「十梵之處、無煩、無熱、善見、善現、阿迦尼吒、空處、識處、無所有處、非想、非非想處、住彼已、漸除貪欲、從此生清淨佛土、常遊妙定、至於真解脫。」尼乾子經二曰、「爲此衆生故、分別差別說。究竟皆成佛、更無餘乘有。我爲化衆生、分別說餘道。漸化入於一、故無三差別。」勝鬘經曰、「聲聞辟支佛乘皆入於大乘。」圓覺經曰、「有性無性、齊成佛道。」等是也。

【一切智句】（術語）句者住處之義。一切智句者、佛之住處也。大日經六曰、「於彼恆勤修求一切智句。」義釋十四曰、「句是住處義。一切智之住處。即是佛住也。」

【一切佛會】（術語）稱蓮華胎藏界會也。大疏十六曰、「從金剛智、出生一切佛會也。」

【一切卽一】（術語）見一卽一切條。
【一切義成】（佛名）又謂之一切義。

成就。悉達太子之譯名。西域記七曰、「薩婆易刺他悉達。唐言一切義成。舊言悉達。訛也。」是世尊之幼名。華嚴經十二曰、「如來於四天下中或名一切義成。或名釋迦牟尼。」金剛頂經說此菩薩五相成佛之相。見釋迦條。

【一切萬物】（術語）與一切萬法同。

無量壽經下曰、「於一切萬物。隨意自在。」

【一切萬法】（術語）與一切諸法同。

宗鏡錄三曰、「一切萬法。至理虛玄。」

【一切諸佛】（術語）總括三世十方諸佛之稱。

諸佛之稱。

【一切諸佛所護念經】（經名）佛說阿彌陀經之異名。此經爲一切諸佛護持憶念之經。故名。同經曰、「汝等衆生。當信是稱讚不可思議功德一切諸佛所護念經。」

【一切諸佛秘藏之法】（術語）法華經爲甚深秘密之要法。非爲小機劣慧所容

易闡演。故名。同經信解品曰、「一切諸佛秘藏之法。但爲菩薩演其實事。」同經法師品曰、「此經是諸佛秘要之藏。不可分布妄授與人。」同品曰、「是法華經藏。深固幽遠。無人能到。」文句八上曰、「秘要之藏者。隱而不說爲秘。總一切爲要。真如實相包蘊爲藏。以一種之智。知一切諸佛之道法。又能知一切衆生之因種也。見三智條。

【一切種智】（術語）三智之一。言能以一種之智。知一切諸佛之道法。又能知一切衆生之因種也。見三智條。

【一切種識】（術語）八識之一。即第八識之異名。又名種子識。言執持一切種子而不失之識也。詳見識條。

【一切人中尊】（術語）稱毘盧遮那如來也。義釋十三曰、「此上有一切人中尊。即是毘盧遮那也。」

【一切如來定】（術語）稱大空三昧也。大日經一曰、「正覺之等持。三昧證知心。非從異緣得。彼如是境界。一切如來定。故說

爲大空。則滿薩婆若。」同疏六曰、「彼如是境界。一切如來定者。如大般若經說。一切有心者悉有佛性。此佛性即名首楞嚴定。亦名金剛三昧。亦名般若波羅蜜多。佛佛道同。更無異路。若行人初發心時。能如是正觀心佛性者。亦即名人如來定。」

【一切皆空宗】（流派）華嚴宗所立十宗之一。見十宗條。

【一切真言心】（術語）稱百光徧照真言之咒暗字也。大疏十八曰、「此是暗字一切真言之心。於一切真言最爲上首。」

【一切真言主】（術語）稱兩部之諸尊也。瑜祇經曰、「一切真言主。及金剛界大曼荼羅王。皆悉集會。」

【一切智慧者】（術語）稱大日如來也。大日經一曰、「一切智慧者。出現於世間。如彼優曇華。時時乃一現。」

【一切佛心印】（印相）一切徧智印

之異名。

【一切普門身】

(術語)

具足四重法

界之徧一切身也大疏八曰、「供養一切普門身。」

【一切遍智印】

(印相)

謂三角形也。

是爲火形、以智火燒煩惱之意。大日經疏五曰、「於大日如來上。畫作一切遍智印。作三角形。其銳向下。純白色。火焰圍之。在白蓮華上。即是十方三世一切如來大勤勇印也。亦名諸佛心印也。三角是降伏除障義。謂佛坐道樹以威德大勢降伏四魔得成正覺。鮮白是大慈悲色也。」

【一切法生界印】

(印相)

三種三昧

耶印中之法界生三昧耶印也。

【一切佛頂輪王】

(佛名)

由佛眼尊

流出之金輪佛頂也。以八輻輪爲其三昧耶形。瑜祇經曰、「一切佛頂輪王。手持八輻金剛寶輪。」因攝一切佛頂輪王之略稱。

【一切菩薩真言】

(真言)

與普通種

子心真言同。見大日經持誦次第儀軌。

【一切種妙三昧】

(術語)

得此三昧、

則得以一切種之功德莊嚴吾身。見智度論四十七。

【一切法界自身表】

(術語)

表者、表

現之義、於一切法界中表現自身。而使一切衆生知見、謂之一切法界自身表。大日經五曰、「法界生如來身。一切法界自身表。化雲徧滿。」義釋十一曰、「一切法界自身表者、謂能令一切衆生悉知見也。謂如來身表普現色身、如彼大雲、徧於法界。雲是徧滿義也。言化身之雲、徧滿於法界、徧於十方世界、不可限量也。」

【一切無上覺者句】

(真言)

稱百光

徧照真言之札暗字。大日經六曰、「此一切無上覺者句。於寺門尊處諸佛所說心。」

【一切無障法印明】

(印相)

左右爲

刀印而向外二頭指著於側。口誦婆議囉帝世尊。蘇婆訶。(成就)見印田七。

【一切流攝守因經】

(經名)

佛說一切流攝守因經之略名。後漢安世高譯。一卷。

【一切如來諸法本性清淨蓮華三昧】

(術語) 稱大日如來所入西方妙觀察智大智慧門之蓮華三昧。由此而阿彌陀如來出生。見攝真實經上。

【一切如來必定印】

(術語)

菩提心

之德名也。以發一切如來菩提心、而爲必定成佛、稱此謂之一切如來必定印。大疏五曰、「次一偈。讚嘆行人、發菩提心功德。即一切如來必定印、爲授大菩提記。」

【一切如來所生印明】

(印相)

又曰

三三昧耶攝百印。底哩秘密法中卷所說。不動尊之印明也。其文曰。此印名爲功德母。佛法僧法住其中。請善明王及本尊。結此秘印皆雲集。以此如來所生印。想爲闍伽奉獻。諸

佛菩薩。諸尊賢聖。供養念誦。速得成就。此印母之內傳。金剛堅固內相傳。佛心即是五智（五指）秘於內心（掌中）教令彰於外相也。佛口云二空（二大指）入於掌中者。兩部大日之智德（秘）又入法二空之智（淺）也。二空之妙理。即諸法之本源。兩部之極智。乃衆德之總括。佛法諸寶住其中。即此意也。二地豎開。（檀慧堅開）係功德之母。譬如世間萬物。皆自地出生。一切之功德。均由菩提心（根本不生之義）而生。今表此義。即二地（二小）豎開也。見不動瑜伽要鈔。

【一切如來金剛誓誠】（術語）如來三昧耶之本誓也。大疏九曰、「結三昧耶者。即是必定師子吼。說諸法平等義故。立大誓願。當令一切衆生得如我故。欲善爲衆生開淨知見故。以此警覺衆生及諸佛故。是故此三昧耶。名爲一切如來金剛誓誠。」

【一切如來眼色如明照三摩地】（術語）佛眼三摩地也。大日如來住於此三摩地而說攝一切大阿闍梨位真言。見瑜祇經大闍梨經品。

【一切如來寶冠三界法王灌頂】（修法）金剛頂經一曰、「成就一切如來金剛加持殊勝三昧耶智。得一切如來寶冠三界法王灌頂。」同疏二曰、「如來在因位而入三昧耶智曼荼羅。加持阿闍梨弟子身中本有之如來藏性。以成修眞行菩薩之法益。則堪任傳授持明乃至印可等灌頂之階位。以此而爲初因。由三密四智印相應得一切如來之灌頂寶冠。爲究竟三界之法王也。」

【一切如來普賢摩訶菩提薩埵三昧耶】（術語）大日如來東方金剛手菩薩出生之三昧耶也。見略出經註一。

【一切如來摩訶菩提金剛堅牢不空最勝成就種種事業三昧】（術語）稱北方不空成就佛之三摩地。見攝眞實經上。

【一切如來頂白傘蓋 Survashirohita-jashtapadma 經】（經名）原本爲散斯克利圖語。爲霍奇孫所發見。佛一時在三十三天時。說其肩間傳出之神咒及其功德。漢譯佛典。似無可與之對當者。

【一切如來入三昧耶徧一切無能障礙力無等三昧力明妃】（眞言）入佛三昧耶眞言之德名也。

【一切法界決定智印】（術語）毘盧遮那之眞言。乃至天龍八部之眞言。皆爲使衆生入於法界而得決定智之法印。義釋八曰、「欲令此中普皆成就悉地果故。更說一切法界決定智印。」

【一切世尊最尊特身】（術語）稱毘盧遮那如來。大日經五曰、「其中如來一切世尊最尊特身。」

【一切處無不相應眞言】（眞言）四攝菩薩眞言也。參照四攝菩薩條。

【一切虛空極微塵數出生金剛威德大寶三昧】（術語）稱大日如來所入南方灌頂智大福德門之大寶三昧也。由此而出生寶生如來。見攝真實經上。

【二分家】（流派）心識之一分說。即起認識作用之時。唯起於自體分。至於見分相分。乃自無始以來妄執之熏習。與能緣所緣相似。而發現之遍計所執也。安慧所立。與難陀之二分說。均非正義。

【一心】（術語）謂萬有之實體真如也。止觀五上曰：「一心具十法界。」又唯一之信心不爲他心所答。謂之一心。止觀四下曰：「一心者。修此法時。一心專志。更不餘緣。」探玄記三曰：「一心者。心無異念故。」教行信證文類三末曰：「言一念者。信心無二心。故曰一念。是名一心。一心則清淨報土真因也。」又一心有事理之二種。無餘念爲事之一心。入實相爲理之一心。觀音義疏上曰：「一心

歸憑。更無二意。故名事一心也。（乃至）理一心者。達此心目他共無。因不可得。」

【一心合掌】（術語）心定於一處而合掌也。合掌者。表一心見「合掌」條。法華經信解品曰：「右膝着地。一心合掌。」

【一心歸命】（術語）一心而歸順於佛也。淨土論曰：「世尊。我一心歸命盡十方無礙光如來。願生安樂國。」

【一心正念】（術語）一心正念而歸於佛也。善導之觀經疏四曰：「西岸上有人喚言。汝一心正念直來。我能護汝。」

【一心稱名】（術語）一心而稱佛名也。法華經普門品曰：「聞是觀世音菩薩。一心稱名。觀世音菩薩。即時觀其音聲。皆得解脫。」

【一心專念】（術語）念佛之心專一也。往生論曰：「心常作願。一心專念。畢竟往生安樂國土。」善導之觀經疏四曰：「一心專

念彌陀名號。行住坐臥。不問時節久遠。念念不捨者。是名正定之業。」

【一心念佛】（術語）念佛之心不二也。法華經安樂行品曰：「不獨入他家。若有因緣。須獨入時。但一心念佛。」

【一心不亂】（術語）一心而不散亂也。阿彌陀經曰：「執持名號。若一日（乃至）若七日。一心不亂。」慈恩之阿彌陀經疏曰：「一心不亂者。專注無散也。」

【一心金剛寶戒】（術語）天台宗相傳之菩薩戒名。依梵網經而立此稱。又名圓頓戒。其戒相僅爲梵網之十重四十八輕戒。梵網經下曰：「我本盧舍那佛心地中初發心中常所誦一戒光明。金剛寶戒是一切佛本源。一切菩薩本源。」

【一心敬禮】（術語）敬禮三寶之心不二也。法華懺法之初：「一心敬禮十方一切常住佛。一心敬禮十方一切常住法。一心

敬禮十方一切常住僧。」

【一心頂禮】（術語）一心頭面禮拜

也。觀音懺法曰：「一心頂禮本師釋迦牟尼世尊。」

【一心三觀】（術語）又曰圓融三觀、

不可思議三觀、或不次第三觀。爲天台圓教之觀法、利根菩薩之所修習。原出於大智度論二十七所謂三智一心中得之文。又得中論觀四諦品、衆因緣生法、我說卽是無、亦爲是假名、亦是中道義之意。天台智者大師之義因之而立天台觀經疏曰：「一心三觀者、此出釋論。論云、三智實在一心中、得祇一觀而三觀、觀於一諦而三諦、故名一心三觀。類如一心而有生住滅、如此三相在一心中。此觀成時、證一心三智。一又摩訶止觀五上曰：「一空一切空、無假中而不空、總空觀也。一假一切假、無空中而不假、總假觀也。一中一切中、無空假而不中、總中觀也。卽中論所說

不可思議一心三觀。」蓋天台之意、在對於別教隔歷之次第三觀、而明圓教之不次第三觀也。別教之說、先修空觀、破見思之惑、得一切智、而證真諦之理、次修假觀、破塵沙之惑、得道種智、而知假諦恒沙之法門、後修中觀、破無明之惑、得一切種智、而證中道法身、故三觀次第而用之。圓教之說則不然、三觀融卽於一心、不縱不橫、恰如伊字之三點、又如一刹那之法、有生住滅之三相、三卽非三、一卽非一。是故舉一觀、卽圓具三觀。謂舉一空觀、則假中亦空。以三觀悉能蕩相著故也。舉一假觀、則空中亦假。以三觀皆有立法之義故也。舉一中觀、則空假亦中。以三觀之當處皆爲絕對故也。是卽三觀只在一心、故得一之觀、任運具三。如是三一圓融、修性混絕、非次第而入、非並別而觀、故得三惑破於一時、三智發於一心。所以稱爲不可思議之三觀也。維摩經玄疏三、明一心三觀、有三意。

一所觀之境、卽一念無明之心、因緣所生之十法界也。二能觀、觀此一念無明之心、圓照三諦之理。三證成、證一心三觀、卽是一心三智五眼也。古來惟天台一家、立一心三觀之論。其餘諸教、絕不說一心三觀之旨。又見維摩經略疏七及止觀輔行五之三。

【一心三智】（術語）三智於一心之

上同時發得也。蓋在別教、修空觀得一切智、修假觀得道種智、修中道觀得一切種智、由如是次第之三觀、次第發得三智。而在天台圓教、則三觀融於一心、故卽所發之三智、亦同時於一心證得、無前後並別云。原出大智度論二十七、彼文自爲問答曰：「一心中得一切智、一切種智、斷一切煩惱習、今云何言以一切智具足得一切種智、以一切種智斷煩惱習。答曰：實一切智一時得、此中爲令人信般若波羅蜜故、次第差別品說、欲令衆生得清淨心、是故如是說。」卽是也。昔北齊之

慧文讀此文、豁然悟圓理之極致、以之授慧思、慧思以之傳智顗、智顗依之證得一心三觀一境三諦等之圓理、遂爲開立天台一宗之基。此所以同宗以龍樹爲高祖師也。

【一心三惑】（術語）見思塵沙無明

三惑融鎔於一心之意。又曰同體三惑。止觀輔行六之三所謂「見思尚乃即是法性、豈有塵沙在見思外、豈有無明在二觀後、三惑既卽三觀必融」是也。蓋在別教、此三惑其體各別、次第爲隔歷三觀所破。而圓教則不然、唯就一惑之義用、有麤中細之別邊、且不過分三惑。卽迷於絕對之一理之一惑、麤分名爲見思、細分名爲塵沙、極細分名爲無明。一惑卽三惑、故起一惑、從而障三諦。麤分之見思、障真諦。細分之塵沙、障假諦。極細分之無明、障中道。然覈其實、則爲一心之三惑、故一見一思、其體無非法界見思之外、別無塵沙無明之可見。且能破之三觀、既融卽於一

心、則所破之三惑、亦自同時必破也。

【一化】（術語）指如來一代之教化

而言。天台觀經疏曰、「此約一化以明通」因一時化益之意。法華玄義一上曰、「一期化導、事理俱圓」。三論玄義曰、「釋迦小乘一化。徒然虛設」。

【一化五味之教】（術語）天台宗區

別釋迦如來一代之教法爲華嚴時、阿含時、方等時、般若時、法華涅槃時之五時。此五時之教法、託於涅槃經所出之五味喻、謂爲五味之教。五味者乳、酪、生酥、熟酥、醍醐、如其次第配於彼五時。見五味條。法華文句六下曰、「四大弟子、深得佛意、探領一化五味之教。始終次第、其文出此也」。

【二分菩薩】（術語）受一分戒之菩薩也。瓔珞本業經下曰、「有受一分戒者、名

一分菩薩。乃至二分三分四分十分名具足受戒」。

【一中】（術語）設齋食普及於一堂之中也。又云一普。聯燈會要洞山价禪師章

曰、「令主事辦愚痴齋一中」。傳燈錄作一普。一普者及於一堂之義。銀器箋十五有多解。

【一中一切中】（術語）空假中三觀

之中、中不惟爲中觀之一、空觀假觀亦謂爲中也。止觀五上曰、「一中一切中、無空假而不中、總中觀也」。

【一中劫】（術語）一個之中劫、時之

名也。見劫條。

【一日】（術語）自日出至日沒之間

也。

【一日經】（術語）在一日中將一部

經寫完、名爲一日經。

【一日齋】（行事）一日持八齋戒而

精進也。

【一日佛】（術語）一日清淨至暮、則

爲一日間之佛也。宗鏡錄二十三曰：「一念相應一念佛。一日相應一念佛。」

【一日三時】（術語）晨朝、日中、黃昏也。一日分晝三時、夜三時。印度古代之風。阿彌陀經曰：「晝夜六時。雨天曼陀羅華。」

【一月三舟】（譬喻）以月譬佛、三舟喻衆生之機感不同。謂同一之月、依舟之動止、而所見各有異也。華嚴經疏鈔十六上曰：「譬猶明月流影偏應。且澄江一月、三舟共觀。一舟停住。二舟南北。南者見月千里隨南。北者見月千里隨北。停住之者見月不移。設百千共觀。八方各去。則百千月各隨其去。」三藏法數四曰：「一月喻佛。三舟喻世間衆生見佛不同。」

【一月三身】（譬喻）以一月譬法報應之三身。寶王論曰：「法身如月體。報身如月光。應身如月影。」蓋法身者常住之理。理體惟一。不遷不變。而能生出諸法。統攝萬事。

猶如月體、一輪在天、影含衆水。報身爲寂照之智。智無自體、依理而發。明了一切、無有差謬。猶如月光之照臨萬象、無有隱形。應身爲變化之用。用無自性、從體而起。有感則通、無感則不通。猶如月影、有水則現、無水則不現。雖然、此三者原是一體、惟從用而立名耳。

【一毛端】（術語）極少之稱。楞嚴經二曰：「不動真場。於一毛端。徧能含受十萬國土。」

【一水四見】（譬喻）見一境四心條。

【一代】（雜語）人之一生也。

【一代教】（術語）釋迦如來自成道至滅度。一代中所說大小乘之諸教也。止觀義例下曰：「一代教法。會在法華。」

【一代五時佛法】（術語）天台宗區別釋迦一代之教法。爲華嚴、阿含、方等、般若、法華涅槃之五時。四教儀曰：「以五時八教。判釋東流一代聖教。罄無不盡。」詳五時條。

【一代三段】（術語）總括釋尊一代之說教。視如一經。分爲序分、正宗分、流通分三段。華嚴、阿含、方等般若諸經爲序分。無量義經、法華經、普賢觀經爲正宗分。涅槃經爲流通分。此日本日蓮上人依傍天台五時教判、主張法華經中心主義之名目也。見觀心本尊鈔四種三段下。

【一代半滿教】（術語）釋尊一代中所說有半字教、滿字教也。半滿教者、猶言大小乘。見半滿教條。

【一生果遂】（術語）於現在一生之間、經歷三往生也。第二十願、聞名係念之衆生、果遂其志願、以三生果遂之義釋之。然真宗以今生自雙樹林下往生之要門、轉入難思往生之真門、更出方便真門、歸入難思議往生之弘願、謂爲一生果遂。

【一生不犯】（術語）一生不犯戒律、不行婬、謂之一生不犯。

判釋東流一代聖教。罄無不盡。詳五時條。

【一生補處】

(術語)

見彌勒條、國密

教之釋義、一者一實之理、於初地菩薩之位、

先得淨菩提心、自此一實、出生無量之三昧

總持門、乃至至於第十地、更有第十一地、即

佛地之法、以一轉生補佛處、是名一生補處。

大疏六曰、「今此經宗、言一生者、謂從一而

生也。初得淨菩提心時、從一實之地發生無

量無邊三昧總持尼門。如是一一地中次第

增長、當知亦爾。迄至第十地滿足、未至第十

一地、爾時從一實境界、具足發生一切莊嚴。

唯少如來一位、未得證知、更有一轉法性生。

即補佛處、故名一生補處。」梵 *Ekantasthita*

atibuddha

【一生補處菩薩最勝大三昧耶像】

(圖像) 稱三十臂之彌勒菩薩。見彌勒條。

【一生入妙覺】

(術語)

天台宗所說。

三論唯識等他宗之法門、非經三大阿僧祇劫、不得至於佛位。(妙覺)然天台以圓頓之

妙覺、信之、行之、則於現在世中得自凡夫位

一躍直達於妙覺之佛果。謂之一生入妙覺。

【一生所繫菩薩】

(術語)

與一生補

處菩薩同。見彌勒條。

【一句】

(術語)

表詮一个之義理者。為一句。唯識論二曰、「名詮自性。句詮差別。

文即是字。」俱舍論五曰、「句者謂章。詮義

究竟。如說諸行無常等章。」秘藏寶鑰中曰、

「一句妙法。億劫難遇。」碧巖錄七則垂示曰、

「聲前一句。千聖不傳。」

【一句子】

(術語)

向上之那一句。子者語助。景德傳燈錄十四曰、「藥山上堂曰、

我有一句子、未曾說向人。道吾出曰、相隨來

也。」此為暗示無言無說無示無識之端的

者。非云相對的言語文句之句。

【末後一句】

(術語)

臨終最末之一句。即示悟最要之一句也。證道歌曰、「一句

了然超百億。」禪林句集乾曰、「一句定乾

坤。一劍平天下。」

【一句投火】

(故事)

菩薩為聞一句之法而入大火坑也。佛祖統紀智度傳曰、「

半偈亡身。一句投火。」十華嚴經三十五曰、

「若有人言。我有一句佛所說法、能淨菩薩

行。汝今若能入大火坑、受極大苦、當以相與

菩薩。爾時、作如是念、我有一句佛所說法。淨

菩薩行故、假令三千大千世界、大火滿中。尚

欲從於梵天之上、投身而下。親。况小火坑而

不能入。」

【一句道盡】

(雜語)

以一句道破真理無所有之意。宋竹庵頌曰、「中論因緣所

生法。一句道盡無剩語。我說即是空假中。朱

籙真捲西山雨。」見稽古略四。

【九】

(術語)

指彌陀而言。

【九之教】

(術語)

彌陀之教。迦才淨土論上曰、「二八弘規。盛乎西土。一九之教。陵遲東夏。」